

Na osnovu člana 8. i člana 26. Zakona o javnim preduzećima u Federaciji Bosne i Hercegovine ("Službene novine Federacije BiH" broj: 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima FBiH ("Službene novine Federacije BiH" broj: 12/03 i 34/03), člana 27. i 39. Statuta Javnog preduzeća "Tržnica" d.o.o. Zenica (broj: 02-01-5294/08 od 06.03.2008. godine - OPU: 825/08), Statuta o izmjeni Statuta (broj: OPU:4056/08), Odluke o izmjeni i dopuni Statuta (broj: OPU-IP:24/16), Aneks I Odluke o izmjeni Statuta (broj: OPU-IP: 639/16), Ispravke izvornika Aneks II Odluke o izmjeni Statuta (broj: OPU-IP: 516/17), Odluke o izmjeni Statuta (broj: OPI-IP: 378/20), i Odluke o izmjeni i dopuni Statuta (broj: OPU-IP-324/21) i Odluke Nadzornog odbora broj: 372/23 od 30.09.2023. a po dobijenoj saglasnosti Gradonačelnika u funkciji Skupštine preduzeća, raspisuje se

**JAVNI KONKURS
ZA IZBOR I IMENOVANJE JEDNOG ČLANA ODBORA ZA REVIZIJU
JAVNOG PREDUZEĆA "TRŽNICA" D.O.O. ZENICA**

I

Raspisuje se Javni konkurs za izbor i imenovanje jednog člana Odbora za reviziju JP „Tržnica“ d.o.o. Zenica (u daljem tekstu: Preduzeće).

II

(Izbor i imenovanje, mandat i naknada)

Nadzorni odbor Preduzeća će izvršiti izbor kandidata za jednog člana Odbora za reviziju, većinom glasova na osnovu provedenog postupka po javnom konkursu i podnijeti prijedlog za imenovanje Skupštini Preduzeća.

Mandat člana Odbora za reviziju traje do isteka mandata aktuelnom predsjedniku i članu Odbora za reviziju Preduzeća.

Iznos novčane naknade za člana Odbora za reviziju utvrđuje se ugovorom na osnovu Odluke Skupštine preduzeća, a isplaćuje iz sredstava ovog Preduzeća.

III

(Opis pozicije)

Nadležnosti i odgovornosti Odbora za reviziju regulisane su članom 28. Zakonom o javnim preduzećima, Zakonom o privrednim društvima, Statutom preduzeća i drugim važećim propisima, i to posebno da:

- imenuje vanjskog revizora, razmatra izvještaj vanjskog revizora i očituje se o datom mišljenju i eventualnim preporukama;
- razmotri godišnju studiju rizika i plan revizije u kojima su prikazane pojedinosti u pogledu rizičnih područja i revizija koje će se izvršiti, te osigurati da prijavljena pitanja budu bez odlaganja i na odgovarajući način korigovana;
- svakog mjeseca podnosi Nadzornom odboru sažete mjesečne izvještaje o svojim sastancima, te daje preporuke za provođenje mjera i aktivnosti na uklanjanju uočenih nepravilnosti;
- izvrši reviziju polugodišnjeg i godišnjeg izvještaja o poslovanju i finansijskog obračuna i istovremeno kontrolu usklađenosti poslovanja preduzeća i funkcioniranja organa preduzeća sa Zakonom o privrednim društvima i drugim relevantnim propisima i osnovnim principima korporativnog upravljanja i o tome sačini izvještaj koji dostavlja Nadzornom odboru i Skupštini preduzeća, najkasnije 8 dana po okončanju revizije;

- izrađuje pismeni izvještaj o izvršenoj reviziji godišnjeg plana poslovanja koji dostavlja Nadzornom odboru i Skupštini preduzeća;
- izradi mjesečni pregled podnesenih izvještaja Uprave o nabavci, te pismeno izvijesti Skupštinu ili drugo nadležno tijelo Preduzeća o bilo kakvom kršenju važećih propisa o javnim nabavkama;
- ovlašten je da zahtijeva sazivanje sjednice Nadzornog odbora i Skupštine kada utvrdi nepravilnosti u radu Uprave, predsjednika ili članova Nadzornog odbora;
- osigura da interne kontrole u preduzeću budu adekvatne i da funkcioniraju kako je predviđeno;
- daje mišljenje na prijedlog Uprave o načinu raspodjele dobiti odnosno pokriva gubitaka Nadzornom odboru;
- donosi Poslovnik o radu Odbora za reviziju;
- obavlja i druge poslove u skladu sa zakonom, Statutom preduzeća i drugim važećim propisima.

IV (Uslovi)

Kandidati koji se prijave na Javni konkurs moraju ispunjavati opće i posebne uslove kako slijedi:

A.) OPĆI USLOVI:

1. da je državljanin Bosne i Hercegovine i da ima prebivalište u Bosni i Hercegovini;
2. da je stariji od 18 godina, a mlađi od 65 godina na dan imenovanja;
3. da nije otpušten iz državne službe kao rezultat disciplinske mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije za kandidate koji rade ili su radili u državnoj službi;
4. da se na njega ne odnosi član IX 1. Ustava BiH;
5. da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima;
6. da nije osuđivan za krivično djelo i prekršaj nespojiv sa dužnošću člana Odbora za reviziju Preduzeća, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
7. da se protiv njega ne vodi krivični postupak;
8. da nije lice kojem je pravosnažnom presudom Suda zabranjeno obavljanje aktivnosti iz nadležnosti Odbora za reviziju;
9. da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH;
10. da nije član Nadzornog odbora ili Uprave preduzeća, zaposlenik Preduzeća, niti da ima direktni ili indirektni finansijski interes u Preduzeću.

B.) POSEBNI USLOVI:

1. da ima visoku stručnu spremu (VSS)- završen pravni ili ekonomski fakultet vrednovanu sa najmanje 240 ECTS bodova;
2. da ima najmanje 5 (pet) godina radnog iskustva u struci i spremi u okviru tražene stručne spreme (VSS).

V (Kvalifikacija i iskustva kandidata)

Prilikom procjene kvalifikacija i iskustva kandidata uzet će se u obzir i slijedeće:

- sposobnost za odgovorno obavljanje dužnosti člana Odbora za reviziju
- znanje i sposobnost razumijevanja finansijskih i poslovnih izvještaja, poznavanje privrednog prava i propisa u području djelovanja Odbora za reviziju
- komunikacijske i organizacijske sposobnosti
- rezultati rada ostvareni tokom dosadašnjeg rada.

VI (Traženi dokumenti)

Kandidati koji se prijavljuju na javni konkurs, dokazuju ispunjavanje naprijed navedenih uslova (iz tačke IV konkursa), na način da, **uz potpisanu prijavu na konkurs** (koja sadrži kraću biografiju, adresu i kontakt telefon), prilože traženu dokumentaciju u originalu ili ovjerenoj fotokopiji koji ne smiju biti stariji od tri (3) mjeseca i to kako slijedi:

1. Uvjerenje o državljanstvu i CIPS-ova prijava o prebivalištu;
2. Ovjerenja fotokopija lične karte;
3. potpisana izjava kandidata, ovjerenja od strane nadležnog općinskog organa ili od strane notara da nije otpušten iz državne službe kao rezultat mjere na bilo kom nivou vlasti u BiH, u periodu od 3 (tri) godine prije dana objavljivanja ove upražnjene pozicije za kandidate koji rade ili su radili u državnoj službi;
4. potpisana izjava kandidata, ovjerenja od strane nadležnog općinskog organa ili od strane notara da se na njega ne odnosi član IX 1. Ustava BiH;
5. potpisana izjava kandidata, ovjerenja od strane nadležnog općinskog organa ili od strane notara da nije na funkciji u političkoj stranci u smislu odredbe člana 5. Zakona o ministarskim, vladinim i drugim imenovanjima;
6. potpisana izjava kandidata, ovjerenja od strane nadležnog općinskog organa ili od strane notara da nije osuđivan za krivično djelo i prekršaj nespojiv sa dužnošću člana Odbora za reviziju Preduzeća, 5 (pet) godina od dana pravosnažnosti presude, isključujući vrijeme zatvorske kazne, prije dana objavljivanja upražnjene pozicije;
7. potpisana izjava kandidata, ovjerenja od strane nadležnog općinskog organa ili od strane notara da se protiv njega ne vodi krivični postupak;
8. potpisana izjava kandidata, ovjerenja od strane nadležnog općinskog organa ili od strane notara da nije lice kojem je pravosnažnom presudom Suda zabranjeno obavljanje aktivnosti iz nadležnosti Odbora za reviziju;
9. potpisana izjava kandidata, ovjerenja od strane nadležnog općinskog organa ili od strane notara da nije izabrani zvaničnik, nosilac izvršnih funkcija u smislu Zakona o sukobu interesa u institucijama vlasti BiH i Zakona o sukobu interesa u organima vlasti F BiH;
10. potpisana izjava kandidata, ovjerenja od strane nadležnog općinskog organa ili od strane notara da nije član Nadzornog odbora ili Uprave preduzeća, zaposlenik Preduzeća, niti da ima direktni ili indirektni finansijski interes u Preduzeću;
11. Diploma o završenoj traženoj stručnoj spremi (VSS) – fotokopija ovjerenja od strane nadležnog općinskog organa ili od strane notara ;

12. Potvrda/uvjerenje o radnom iskustvu u okviru tražene visoke stručne spreme, izdato od poslodavca;

Napomena: Izabrani kandidat, a prije imenovanja, dužan je dostaviti potvrde/uvjerenja nadležnog organa o ispunjavanju uslova iz tačke 6., 7. i 8. Općih uslova iz ovog javnog konkursa.

VII

Svi kandidati koji ispune formalno pravne uslove konkursa bit će pozvani na intervju koji provodi Komisija u roku od **14 (četrnaest) dana** od dana isteka roka za podnošenje prijave. Podnosioci prijave sa kojima se ne stupa u kontakt u navedenom roku neće se uzeti u razmatranje u daljnjem toku postupka, bez obaveze posebnog dostavljanja odbijenice.

Pozvani kandidati koji ne pristupe na zakazani intervju, smatrat će se da su odustali od konkursa.

Konkurs će biti objavljen u "Službenim novinama Federacije BiH", dnevnom listu "Oslobođenje" i na web stranici Preduzeća i ostaje otvoren **15 dana od dana objavljivanja ovog javnog konkursa u „Službenim novinama FBiH“**.

Prijave sa traženim dokumentima, koje se neće vraćati kandidatima bez posebnog zahtjeva, treba dostaviti u zatvorenoj koverti, lično ili preporučeno poštom na adresu:

JP "Tržnica" d.o.o. Zenica

Ul. Maršala Tita broj 48,

72 000 Zenica

sa naznakom : "PRIJAVA NA JAVNI KONKURS ZA IZBOR I IMENOVANJE JEDNOG ČLANA ODBORA ZA REVIZIJU JP „TRŽNICA“ D.O.O ZENICA - NE OTVARATI !"

Na poleđini koverte je obavezno naznačiti ime i prezime i adresu podnosioca prijave.

Nepotpune i neblagovremene prijave neće se razmatrati.



**Nadzorni odbor
JP "Tržnica" d.o.o. Zenica**

Predsjednik: Edin Kovač